



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae

Hieronymus, Sophronius Eusebius

Coloniae Agrippinae, 1674

XXXIX. An [i.e. Ad] Castorinam materteram. Ioannes.

urn:nbn:de:hbz:466:1-37862

habebant, cum ejus admiraretur ingenium, & acumen ingenij collaudaret, sciscitans ait: Num tristis es, quod oculis carnis careas? Cum ille pudore reticeret, secundo tertioque interrogans, tandem elicit, ut moerorem animi simpliciter fateretur. Cui Antonius: **MIROR**, ait, prudentem virum ejus rei dolere damno, quam formicae & muscae & culices habent: & non letari illius possessione, quam sancti soli & Apostoli ruerunt. Ex quo pervides, quod multo melius sit spiritu videre, quam carne: & illos oculos possidere, in quos peccati festuca non possit incidere. Ad nos licet hoc anno non veneris, tamen non desperamus adventum tuum. Quod si sanctus Diaconus portitor literarum tuis rursus amplexibus fuerit irretitus, & illo comitante huc veneris, libenter suscipiam, * dispendium morae, magnitudine foris duplicari.

Matth. 7.

* dispendium
fationis
moram
duplicatam, &c.

XXXIX. Hieronymus Castoria matertera. Rogat ut secum illa redeat in gratiam tandem.

Ioannes idem Apostolus & Evangelista in epistola sua ait: Quicumque odit fratrem suum, homicida est. Et recte. Cum enim homicidium ex odio saepe nascatur, quicumque odit fratrem suum, etiam si gladio necdum percusserit, animo tamen homicida est. Cur, ais, tale principium? Scilicet ut veteri rancore deposito, mundum peccatoris Deo paremus habitaculum. Irascimini, inquit David, & nolite peccare. Hoc quid velit intelligi, Apostolus plenius interpretatur, Sol non occidat super iracundiam vestram. **QUID AGEMUS**

1. Ioan. 3.

Pf. 4.

Ephes. 4.

nos in die iudicii), super quorum iram non un-
dici, sed tantorum annorum sol testis occubuit
Matt. 5. Dominus loquitur in Evangelio: Si offers munus
tuum ad altare, ibique recordatus fueris, quia frater
tuus habet aliquid adversum te, relinque
munus tuum ante altare, & vade reconciliari
prius fratri tuo, & sic offeres munus tuum ad
altare. Væ mihi misero, ne dicam tibi, qui tunc
tempore aut non obtulimus munus ad altare, aut
irâ permanente sine causa obtulimus. Quomodo
Matt. 6. in quotidiana prece unquam diximus: Dimittis
nobis debita nostra, sicut & nos dimittimus debita
toribus nostris, animo discordante cum verbis, &
ratione dissidente tum factis? Precor itaque, quod
& ante annum prioribus literis rogaveram, ut pe-
leam, 14. cem, quam Dominus nobis reliquit, habeamus. Et
meum desiderium, & tuam mentem Christus in-
tueatur. In brevi ante tribunal ejus reconciliatus
seu scissa concordia, aut præmium recuperabit
aut poenam. Quod situm quod procul ablit, nolueris,
liber ego ero: epistola me hæc mea cum lecta
fuerit, absolvet.

*XL. Hieronymus Theodosio & ceteris Anachoritis
Apparet scriptam hanc fuisse, cum primum ad-
iisset eremum, & varia ejus vita in-
commoda experiretur.*

QUAM vellem nunc vestro interesse conven-
tui, & admirandum consortium, licet illi
oculi non mereantur aspicere, tota cum exulta-
tione complecti. Spectarem desertum omni amoenius
civitate: viderem desolata ab accolis loca
quasi ad quoddam paradisi instar Sanctorum con-
tibus